

光山金氏族譜卷之上

序

我金之派分有三快軒文正公派族其一也合一姓而爲全譜則三派皆當共之如各專於一派則派自爲譜不相并也全譜歷累世而一修派譜則世修之自其勢不容不爾或者迺右全譜而病派修之爲隘非知理者也一大派之中有衆小派焉衆小派之各收其族其事簡而易故人多能之若至合一派而爲之則其功繁而難非世世所可能或者樂於簡易而病繁而難者爲不必修則亦非知理者也我文正派之修一大派譜者前已有三矣自甲子譜之後迄今殆四十年世道人事之變生齒死喪之繁已有不可勝紀者一番續修固不可已又其世系規例之或有可以詳略增損而與舊牒異者不止一二宗議以是齊發遂以丙申春始役而至丁酉秋訖刊良由諸宗之相與協心與力而成之嗚乎當此橫流滔滔人理昧昧之日溯本念始篤近舉遠而克有事於一家百世之史可不賀乎茲敢不揣淺陋略叙其大槩云

丁酉秋九月望后孫賢中謹序

光山金氏族譜卷之一

文元公沙溪先生序文

惟我金氏系出於羅王降及麗世世享爵祿而自我朝以後支分派別其麗不億或有安富華榮者或有僅守門戶者貴賤雖殊其本則一也固無親疎之別宜存敦睦之義而後屬踈遠視同路人問其宗派則亦矇然豈不惜哉余自幼時慨欽于斯叅考宗族世系編次于畧于姓譜上自王子興光以及于今雖未能祥錄而無遺亦不敢妄意穿鑿至於派別異居有非管見所及者則姑爲略之以俟夫宗族之明知而正之也

文忠公瑞石序文

惟我金氏族譜宗人之居嶺南者暨我出郡守宋熙業氏併有所編纂而閱歷年歲既久支派之日滋衍者未之續編闕漏放失殆不可殫余爲是懼就兩譜是正差謬增修其未續編者而其夾註事實之或備或略同宗外裔之別也尤詳本派譜自我作故也外裔雖至十百世皆爲我出而聞見精力之有不能周及而遍舉也則無寧

約而精也而兩譜三世之限又無所執据故今從喪服所暨限以女子之子此吾新譜凡例也古今之纂譜牒莫不以敦親睦廣仁恩爲努今吾宗人所當勉焉者亦惟在斯而余於是尤有所深感焉昔方遜志希直纂次宗儀以諗其宗人歷稱其曾大父西洲府君之純厚愨大先君太守貞惠公之廉介方正以爲後孫之準則其言摯勤懇到有足以感發人心者洪惟我金氏世種德襲美若始祖土子之先幾高蹈保身貽後固不可尙已厥若來或以文章節義或以事業勳閥赫寫無替而至于我會大父文元公及厥嗣文敬公以道學經術爲世宗師及門之士有能稱述而闡揚者矣小子何敢容喙焉噫凡我后孫簪組衿紳不淪胥爲輿僮者何莫非祖先覆露庇壽之餘也惟當啓居食息毋忘我祖先矧斯譜也祖先之名諱稱號暨厥生卒爵位開卷在曰爲后孫者其可不瞻對興懷思所以無忝我祖先也哉若或持身不遜悌執事不恪勤安於傲肆狃於卑污不免乎侈人賤行則其貽辱祖先也大矣詩曰無忝爾祖聿修厥德余於世譜之成重以是自勗焉歲在丁巳

三年  
肅宗

仲秋後孫萬基謹

丙辰譜序

譜者明本源收宗族管攝人心底物事而睦婣之道具焉人事之則備矣所以邦敷五教鄉講六行是乃古今之所同尚也而若其文章道德節義學行有能軒曜天地磊磊落落垂百世而不泯者尙能使人景仰興起況爲其後者不思所以講求繼述之義忠貞自守孝悌相敦哉吾宗之譜牒丁卯之朔布壬寅之重刊文元公沙溪文忠公瑞石兩先生所製序文旣盡且美矣余何敢容喙而贅說哉噫世遠教弛親親悌長之誼幾乎息矣洪惟我金氏始自羅王降及麗世世享爵祿入于本朝亦是望族支分派別其麗幾何上自王子君諱興光傳至大宗家快軒文正公諱台鉉有四男俱以文科勳閥赫寫牧隱李穡撰墓誌詳矣玄胄曼緒至今蕃衍往在中葉精忠大節卓異文行間間挺出有足以維張人紀管攝世道英非祖先積累德蔭之攸啓也今爲後孫者其可忘先德而悖餘訓乎自祖先視之則均是子孫而後屬之漸疏乃至於相視爲路入其得無感我之先靈乎言之至此可謂鬱悒然睦親者卽人髮也人髮者卽天理也理之循環無往不復未知不遠之復復在於何時歟最是敦

睦二字具一言而蔽者而第於今之修譜尤有所深感焉豐德墓所省掃等節鱗此  
商確規正雖未能普合吾宗而肆快軒文正公派同譜之人特念同根之誼益樹敦  
睦之風無忝爾所生思所以永世勿替不忘厚本深源底意也宗中完議一遵丁卯  
之規例春秋筆法尙稟丁卯之校正今何幸僉執事盍相警惕而完其役哉謹爲之

識崇禎二百三十年

哲宗七年

丙辰孟秋後孫玟光序

文正公派譜初編之序政載錄

跋

溯源推本莫如譜台宗收族莫如譜爲子孫垂系无窮亦莫如譜斯義也古人說之詳矣吾自近經大難見世道之波蕩人心之泮渙而益知人家譜乘之爲不可闕焉盖非此爲之信史則於其喪亂流離逋播之餘上無以溯源下無以垂系而其於宗族也固將漠如秦越之相視而已我金之大同修譜屢矣各以派屬而爲之亦屢矣自甲子而後今已踰一世之期將復爲大同乎則患其汗漫支離淆雜而無倫於是有派譜之議諸族之有志者相與終始効勞自丙申迄丁酉乃成其在遠方而漏載前譜者亦咸與焉自有派譜以來未有此也甚相慶也但以卷帙之太繁務從簡約縮板而省力盖爲若是而後成之既易而藏之亦便爾刊事訖衆以容鶴與聞其役命爲一言置卷末

丁酉小雪日 后孫容鶴謹識

跋

恭惟今日譜事議郎公文敏公文簡公錄事公四家后孫同祖於文正公而合爲一派具體大譜而成焉者耳然則己卯大譜距今十九歲而又有此事倘無嫌於煩數事或似然而時有不然去虎兔年間南北戰爭大東未曾有之大亂出沒鬼關而得保今日者皆以爲文籍之收拾死亡之墳墓離散團合男女之出生嫁娶非譜難以盡載修譜之望如飢如渴若拘於事之似然而不反於時之不然飢渴衆情莫之能解是以文正公下四家雲仍詢謀僉同不幾何而譜事完成豈人力使然順時宜達人情致然吁亦盛事哉且聞畿湖亦有吾金譜所而不與之同合簡而不煩莫派譜若故也其條目網羅一遵舊例而具體於大譜合與分非殊道則恐無傷焉事之將竣容周不勝感幸謹置一言于下方而奉告焉

丁酉春月上旬后孫容周謹識

光山金氏族譜卷之一下

始 金興光 子 軾

新羅國金氏王子 角于即平章之秩 諡忠貞

生于季世避亂因 家於武州西一洞 即後之光州平章 洞也光州之金始 此子孫多出平章 事後人稱平章洞 遺墟立後孫鎮商 撰曾豐銘

信

三重大匡司空○ 高麗太祖統合時 以奇偉之策佐成 王業稱功臣焉○ 信舊譜作吉而依 忠貞公墓誌正之 謹按忠貞公墓誌 自信已上皆失其 各云故不敢系書 于王子公下謹俟 後

子 峻

三重大匡左僕射○ 峻舊譜作順而依忠 貞公墓誌正之

子 策

光宗十五年甲子二月 登第趙翌榜 上御天 德殿賜宴特開儀鳳門 扶鞍而出官至左僕射 翰林學士平章章諡文 貞公

子 廷俊

靖宗元年乙亥殿中待御史六 年庚辰丞宣 文宗三年己丑 御史臺事七年癸巳叅知政事 九年乙未內史侍郎平章事官 至守司徒門下侍郎平章事○ 廷舊譜作貞而依忠貞公墓誌 正之

子 良鑑

文宗五年辛卯文科庚戌尙書 右承辛亥御史臺事壬子以太 僕御如宋甲寅圖太廟太學而 還十二日散騎常侍丁巳中樞 院事戊午宋使來以戶部尙書 爲館伴辛酉叅知政事判尙書 兵部事兼西京留守使柱國癸 卯中書侍郎平章事陳時政得 失 宣宗三年丙寅門下侍郎 平章事陳時政得失五月判尙 書戶部事十二月守太尉累遷 至守大保門下侍中監修國史 諡文安公○配贈西海郡大夫 人崔氏父尙書右僕射中樞院 使延 古

子 若溫

見本板

子 義元

見本板

女 李

顯 源伯子李資謙李資諒 贈慶